



遣虚存实唯识观之特胜义

论券七云：“识言，总显一切有情各有八识，六位心所，所变相见，分位差别，及彼空理所显真如；识自相故，识相应故，二所变故，三分位故，四实性故。如是诸法皆不离识，总立识名，惟言，但遮愚夫所执定离诸识实有色等”，此即五重唯识观中第一重遣虚存实观；而唯识观之最胜点，即在乎此。以本只要此第一重惟遣虚妄识，存真实之唯识观；后之四重，只是为钝根人辗转离过以入真耳。若利根人，只此一观，一了百了，直至究竟；以遣虚则妄无不尽，存实则其无不圆故。

作此观者无他，只于无论何事何物，观为惟是五位诸法之一聚识，除此别无一件实有之物而已！作此观时，妄执我法遣无不尽，而无《百论》等落空之弊，其殊胜一。真如相性显无不周，而无《起信》等堕等笼统之弊，其殊胜二。但观明现前事物本来如是之实相——譬如饮



茶，只是五位诸法之一聚识，别无所饮之茶，只是五位百法之一聚识，别无能饮之人；譬如听讲，只是五位诸法之一聚识，别无听者，只是五位诸法之一聚识，别无讲者——而无观佛境观上地等悬想他界之弊，其殊胜三。即观明本分，而于余界余地一切分无不通达，若自若他；若染若净、若生若佛、若圣若凡、若因若果、若身若器等，莫不是五位诸法之一聚识故，而无拘局一隅之弊，其殊胜四。

故作此观，但明此理，无论何人皆可作之，无论何处皆可作之。他药虽妙，每可由药生病，独此一药，增益、损减之执，烦恼、所知之障，病无不治，更无从药生病之虞，故为独一无二大妙观门！诸有智者，应勤修习！（见《海》刊五卷五期）